

# Spionáin is Róiseanna

Nuala Ní Dhomhnaill



Cló Iar-Chonnacht  
Indreabhán  
Conamara

An Chéad Cló 1993  
An Dara Cló 1997  
An Trú Cló 2011  
© Nuala Ní Dhomhnaill 1993

ISBN 10: 1-874700-95-8  
ISBN 13: 978-1-874700-95-1

**Portráid:** Brian McMahon  
**Dearadh:** Deirdre Ní Thuathail  
**Dearadh clúdaigh:** Clifford Hayes

Foilsíodh leaganacha de na dánta seo cheana in: *An Dealg Droighin* (Mercier, 1981), *Féar Suaithinseach* (An Sagart, 1984), *Feis* (An Sagart, 1991).



Foras na Gaeilge

Tá Cló Iar-Chonnacht buíoch de Fhoras na Gaeilge  
as tacaíocht airgeadais a chur ar fáil.



Faigheann Cló Iar-Chonnacht cabhair airgid  
ón gComhairle Ealaíon.

Gach ceart ar cosaint. Ní ceadmhach aon chuid den fhoilseachán seo a atáirgeadh, a chur i gcomhad athfhála, ná a tharchur ar aon bhealach ná slí, bíodh sin leictreonach, meicniúil, bunaithe ar fhótachóipeáil, ar thaifeadadh nó eile, gan cead a fháil roimh ré ón bhfoilsitheoir.

**Clóchur:** Cló Iar-Chonnacht Teo., Indreabhán, Co. na Gaillimhe.

Fón: 091-593307 Fax: 091-593362

**Priontáil:** CL Print, Indreabhán, Co. na Gaillimhe.

Fón: 091-593251 / 593157

# Clár

Táimid damanta, a dheirféaracha	7
Ceist na Teangan	9
Fear	10
Máthair	12
Athair	13
An bhábóg bhriste	14
An Fhilíocht	15
In Memoriam Elly Ní Dhomhnaill	16
Dán do Mhelissa	18
Oileán	19
Ag cothú linbh	21
Claoninsint	23
Breith Anabai Thar Lear	24
Sionnach	25
Scéala	26
Primavera	27
Na Súile Uaine	28
Fáilte an Ghalláin roimh Titim na hOíche	30
Fuadach	32
An Crann	34
An Slad	36
Fáilte Bhéal na Sionna don Iasc	37
Venio Ex Oriente	38
Leaba Shíoda	39
An tSeanbhean Bhocht	41
An Casadh	43

Titim i nGrá	45
An Bóithrín Caol	46
Freagra na Mná Ceiltí	48
I mBaile an tSléibhe	49
Peirseifiné	51
Filleadh na Béithe	52
Dún	53
Feis	55
Amhrán an Fhir Óig	59
Scéal Béaloidis ón Leitriúch	60
Aubade	61
Gaineamh shúraic	62
Sneachta	63
Deora Duibhshléibhe	64
Madame	65
Lá Chéad Chomaoineach	67
An Traein Dubh	68
Ag Tiomáint Siar	70
An Bád Sí	71
Gan do Chuid Éadaigh	73
Caora Fíniúna	75
Éirigh, a Éinín	76
Greidhlic	78

Tá comhad fuaime de na dánta seo, á léamh ag an údar, ar fáil le híoslódáil ón suíomh **[www.cic.ie](http://www.cic.ie)**

## Táimid damanta, a dheirféaracha

Táimid damanta, a dheirféaracha,  
sinne a chuaigh ag snámh  
ar thránna istoíche is na réalta  
ag gairí in aonacht linn,  
an mhéarnáil inár dtimpeall  
is sinn ag scréacháil le haoibhneas  
is le fionnuaire na taoide,  
gan gúnaí orainn ná léinte  
ach sinn chomh naíonta le leanaí bliana,  
táimid damanta, a dheirféaracha.

Táimid damanta, a dheirféaracha,  
sinne a thug dúshlán na sagart  
is na ngaolta, a d'ith as mias na cinniúna,  
a fuair fios oilc is maitheasa  
chun gur chuma linn anois mar gheall air.  
Chaitheamair oícheanta ar bhántaibh Párthais  
ag ithe úll is spíonán is róiseanna  
laistiar dár gcluasa, ag rá amhrán  
timpeall tinte cnámh na ngadaithe,  
ag ól is ag rangás le mairnéalaigh agus robálaithe  
is táimid damanta, a dheirféaracha.

Níor chuireamair cliath ar stoca  
níor chíoramair, níor shlámamair,  
níor thuigeamair de bhanlámhaibh  
ach an ceann atá ins na Flaithis in airde.  
B'fhéarr linn ár mbróga a chaitheamh dinn ar bharra taoide  
is rince aonair a dhéanamh ar an ngaineamh fliuch  
is port an pháobaire ag teacht aniar chughainn  
ar ghaotha fiala an Earraigh, ná bheith fanta  
istigh age baile ag déanamh tae láidir d'fhearaibh,  
is táimid damanta, a dheirféaracha.

Beidh ár súile ag na péisteanna  
is ár mbéala ag na portáin,  
is tabharfar fós ár n-aenna  
le n-ithe do mhadraí na mbailte fearann.  
Stracfar an ghruaig dár gceannaibh  
is bainfear an fheoil dár gcnámha  
geofar síolta úll is craiceann spíonán  
leasc rianta ár gcuid urlacan  
nuair a bheimid damanta, a dheirféaracha.

## Ceist na Teangan

Cuirim mo dhóchas ar snámh  
i mbáidín teangan  
faoi mar a leagfá naíonán  
i gcliabhán  
a bheadh fite fuaite  
de dhuilleoga feileastraim  
is bitíúman agus pic  
bheith cuimilte lena thóin

ansan é a leagadh síos  
i measc na ngioldach  
is coigeal na mban sí  
le taobh na habhann,  
féachaint n'fheadaraís  
cá dtabharfaidh an sruth é,  
féachaint, dála Mhaoise,  
an bhfóirfidh iníon Fhorainn?

## Fear

Bain díot do chuid éadaigh  
ceann ar cheann,  
do threabhsar is do bheist  
líontánach liath.  
Cuir do chuid spéaclaí  
ar an gclabhar  
in aice led chíor  
is do haincisiúr.

Is siúil chugam trasna  
an urláir ar deis  
go bun na leapan  
chun go bhfaighead deis  
mo shúile a shíneadh  
thar an niamh dorcha id chneas,  
thar na míorúiltí is na háilleachtaí  
id chabhail.

Is ná bí grod ná giorraisc  
liom anocht,  
ná fiafraigh díom “cén chaoi?”  
ná brostaigh ort,  
tuig nach lú a fhéadaim  
i bhfianaise do dhea-nocht  
mo shúile a líonadh  
ná iad a dhúnadh ort.

A fhir atá chomh fada  
as do ghéag,  
chomh leathan as do ghualainn  
is do thaobh,  
fainge fionn fireann  
ó bhaitheas go bearradh iongan  
is do bhall fearga  
cumtha dá réir,



ba chóir go mórfaí tú  
os comhair an tslua,  
go mbronnfaí ort  
craobh is próca óir,  
ba chóir go snoífi tú  
id dhealbh marmair  
ag seasamh romham  
id pheilt is uaireadóir.